

LA TATOU FAIVA O LE MALO

APERILA 2015

MATUA AUTŪ O LE MASINA: Ia savavali e pei o ē e atamamai e ala i le 'faaogā tatau o le taimi.'—Efe. 5:15, 16.

VAIASO E AMATA IĀ APERILA 13

Pese 18 ma le Tatalo

☐ **Su'esu'ega Faale-Tusi Paia a le**

Faapotopotoga:

c/ mata. 23 ¶1-9 (30 minu.)

☐ **A'oga o le Faiva Faatiokarate:**

Faitau Tusi Paia: 1 Samuelu 19-22 (8 minu.)

Nu. 1: 1 Samuelu 21:10–22:4 (3 minu. pe itiiti ifo)

Nu. 2: Panapa—Matua: Ia Faaalia le Agaalofo ma le Aao Foa'i—*bt* pusa itu. 86 (5 minu.)

Nu. 3: Aiseā ua Mafatia ai Tagata?—*igw* itu. 15 ¶1-4 (5 minu.)

☐ **Sauniga o le Auaunaga:**

Pese 115

10 minu: Ia Savavali e Pei o ē e Atamamai e Ala i le 'Faaogā Tatau o le Taimi.' Lauga e faamatilatila ai le matua autū o le masina.—Efe. 5: 15, 16; taga'i i *Le Olomatamata* o Me 15, 2012, itu. 19-20, pala. 11-14.

20 minu: "Ia Faaogā Tatau Lou Taimi i le Tala'iga." Talanoaga.

Pese 98 ma le Tatalo

Ia Faaogā Tatau Lou Taimi i le Tala'iga

E 1,945,487,604 itula na faaalu e Molimau a Ieova i le tala'iga i le tausaga faaleaunaga i le 2014. O le faamaoniga manino lea o lo tatou filifili e pisi i le auaunaga iā Ieova. (Sala. 110:3; 1 Kori. 15:58) Talu ai "ua itiiti le taimi o totoe," o lea e ao ai ona faaogā tatau lo tatou taimi i le tala'iga, ina ia talanoa atu ai i le to'atele o tagata.—1 Kori. 7:29.

E mana'omia le fetuutuuna'i ina ia faaogā tatau ai lo tatou taimi i le tala'iga. O se faaa'oa'oga, pe afai e masani ona e faaalu se itula pe sili atu, i se vala patino o le tala'iga e aunoa ma le talanoa i se tagata, pe e mafai ona e faia ni fetuuna'iga ina ia e maua ni tagata se to'atele ma talanoa atu i ai? E eseese le tulaga o mea mai i lea vaipanoa i lea vaipanoa, ae e ono fesoasoani iā

te oe fautuaga o loo mulimuli mai, ina ia faaogā tatau ai lou taimi ma 'alofia ai ona e "tu'i i le 'ea."—1 Kori. 9:26.

• **Tala'iga i le Fale i le Fale:** O le masani a le 'autala'i mo le tele o tausaga, e amata lo latou aso i le tala'iga e ala i le tala'i mai i lea fale i lea fale. Peita'i, o le to'atele o tagata e faigaluega a o faagasolo le aso. Aiseā la e lē taumafai ai e tala'i mai i lea fale i lea fale i le aoauli po o le afiafi, ona e to'atele ai tagata e maua atu i o latou fale ma e lē o pisi? Atonu e sili atu i'uga e maua mai i le moli-mau atu i nofoaga faitele po o pisinisi a o faagasolo le aso.

• **Tala'iga i Nofoga Faitele:** E tatau ona faatutū laulau ma fata e faaali ai tusi ma mekasini, i nofoaga e to'atele tagata e fepasia'i ai i le oganuu a le faapotopotoga. (Taga'i i *La Tatou Faiva o le Malo* o Iulai 2013, itu. 5.) Pe afai ua tau leai ni tagata e fepasia'i solo i le nofoaga lea na faatulaga mo le tala'iga i nofoaga faitele, atonu e filifili le Komiti o le Auaunaga a le Faapotopotoga e faatū le laulau po o le fata i se isi nofoaga o loo to'atele tagata e fepasia'i ai.

• **Toe Asiga ma Su'esu'ega Faale-Tusi Paia:** Pe e mafai ona faatulaga au toe asiga ma su'esu'ega faale-Tusi Paia e fai i taimi e lē fua tele mai ai isi vala o la tatou faiva? O se faata'ita'iga, pe afai e tele i'uga lelei e maua pe a tala'i mai i le fale i lea fale i taeao o Aso Toona'i, pe e mafai ona tuu lau su'esu'ega faale-Tusi Paia e fai i le aoauli po o le afiafi? Pe a fai toe asiga, e lelei i le 'autala'i ona faatulaga se taimi tonu e toe asia ai a latou asiga uma o loo nonofo i se vaipanoa e tasi, ina ia mafai ona tele mea e latou te faataunuuina i le faiva.

E moni e mafai ona tau lo tatou taimi i so o se taimi e tatou te auai ai i le tala'iga, ae e sili atu ona tele lo tatou olioli pe afai e fua mai la tatou faiva. Pe afai e iai se vala o le tala'iga e lē o fua mai i se taimi patino, taumafai e fai se isi vala o le faiva. Ia tatalo mo le ta'ita'iga a Ieova "le Alii o le selesalega," ina ia mafai ona e faaogā tatau lou taimi i le tala'iga.—Mata. 9:38.

VAIASO E AMATA IĀ APERILA 20

Pese 3 ma le Tatalo

☐ **Su'esu'ega Faale-Tusi Paia a le Faapotopotoga:**

cl mata. 23 ¶10-18 (30 minu.)

☐ **A'oga o le Faiva Faatiokarate:**

Faitau Tusi Paia: 1 Samuelu 23-25 (8 minu.)

Nu. 1: 1 Samuelu 23:13-23 (3 minu. pe itiiti ifo)

Nu. 2: O le ā ua Folafofa Mai i le Tusi Paia e Faatatau i le Lumana'i?—*igw* itu. 16 ¶1-3 (5 minu.)

Nu. 3: Paruka—Matua: Auauna iā leova ma le Lē Manatu Faapito—*w11* 6/15 itu. 29 pala. 7-itu. 30 pala. 3 (5 minu.)

☐ **Sauniga o le Auaunaga:**

Pese 97

15 minu: "Auala e Molimau Atu ai e Ala i se Laulau po o se Fata e Faaali ai Tusi ma Mekasini." Talanoaga. Fai se faata'ita'iga. E to'aluva tagata tala'i o loo tutū i le vaega o loo iai se fata po o se laulau e faaali ai tusi ma mekasini. Ua 'ata'ata atu le tagata tala'i muamua i se tagata o loo savali ane, ona 'ata'ata atu lea o le tagata tala'i lona lua i le isi tagata o loo savali ane. Ua fai atu e le tagata tala'i lona lua se fesili i le tagata a o latalata mai, ma amata se talanoaga. E faapefea ona tatou faatatau lenei auala e tusa lava pe e lē o faaogāina se laulau po o se fata e faaali ai tusi ma mekasini?

15 minu: Faatasiga e Olioli Ai. Talanoaga e faavae mai i *Le Olomatamata* o Setema 15, 2012, itulau 31-32, palakalafa 15-19. Ia faagae le naunau mo le tauaofiaga itumalo o loo lumana'i nei, ma manatu o le a talanoaina ai, e ala i le faalaeiau o tagata uma ia mua'i tilofa'ia le polokalame o le tauaofiaga o loo i la tatou Upega tafa'ilagi.

Pese 75 ma le Tatalo

Auala e Molimau Atu ai e Ala i se Laulau po o se Fata e Faaali ai Tusi ma Mekasini

Ua faamaonia le aogā o le molimau atu e ala i se laulau po o se fata e faaali ai tusi ma mekasini, ina ia tosina mai ai i le upu moni ē e lotofaamaoni. (Ioa. 6:44) O lea ua faalaeiauina ai toeaina ia faatulaga ni tala'iga i nofoaga faitele e tumutumu ai tagata i le oganuu a le faapotopotoga. Talu ai o laulau ma fata e lē o ni mea e tumau ona iai i se nofoaga, e masani lava la e

lē tau mana'omia ona talosaga mo se faatagaga mai i pulega o ia nofoaga. Peita'i afai e iai ni tulafono a le atunuu e mana'omia ai ona talosaga mo se faatagaga, e tatau la ona faia faapea. O ē e agavaa mo lenei ituaiga o tala'iga, e aofia ai tagata tala'i e faautauta, talanoa atu i se auala faaloalo, ma iai tomai i le amataina ma le faia o talanoaga. I le vaega o loo mulimuli mai, o nisi ia o mea e fai, ma mea e aua le faia, ina ia fesoasoani i le 'autala'i e taulau manuia atili ai.

Mea e Fai:

- Ia faaleuō, foliga 'ata'ata, ma fesoasoani i tagata e pasi ane. O nisi tagata tala'i e 'ata'ata ma fai atu se faafeiloa'iga faaleuō. Pe afai e savali ane se tasi ma autilo mai i le laulau po o le fata, e te ono faapea atu, "E mafai ona ave sau tusi pe a e mana'o i ai."
- Ia fuafua lelei le mamao o le mea e te tū ai mai i le fata po o le laulau. I nisi nofoaga, ua iloa e le 'autala'i le aogā o le tutū faalatalata i le fata po o le laulau. Ae ua iloa e isi, o le faia faapea e mumusu ai tagata e tutū atu. O lea e latou te tutū ai tau faamao ese mai ma faatalitali se'i tū atu se tagata i le fata po o le laulau. Pe a faalatalata atu se tagata, taumafai e talanoa i ai, atonu e ala i le fesili atu, "Pe sa iai se taimi na e taumānatu ai i lenā fesili?"
- Ia faaogā i taimi uma le Tusi Paia pe a talafeagai.
- Faamatala atu le faatulagaga o su'esu'ega faale-Tusi Paia, i so o se tasi e aveina se tasi o a tatou lomiga mo su'esu'ega, e pei o le tusi *A'oa'oga Moni*. Fai i ai se'i faaali atu le vitiō *Aiseā e Su'esu'e ai le Tusi Paia?* e faaogā ai se telefoni po o se isi masini.
- Pe a talafeagai, fesili i se tagata fiafia mo se auala e faafesoota'i ai o ia. Pe afai e lē nofo le tagata i le tou oganuu, faafesoota'i se tagata tala'i e i le oganuu a le tagata ina ia toe tuliloa lona fiafia.

Mea e Aua le Faia:

- Aua le inainā, soona faatauanau, pe tū e pei o se leoleo i autafa o le fata po o le laulau.
- Aua le manatu i lenei ituaiga tala'iga e na o se auala e tufatufa atu ai lomiga. Pe a auai

VAIASO E AMATA IĀ APERILA 27

Pese 1 ma le Tatalo

☐ **Su'esu'ega Faale-Tusi Paia a le Faapotopotoga:**

cl mata. 23 ¶19-23, pusa itu. 239 (30 minu.)

☐ **A'oga o le Faiva Faatiokarate:**

Faitau Tusi Paia: 1 Samuēlu 26-31 (8 minu.)

Autaluga o le A'oga o le Faiva Faatiokarate (20 minu.)

☐ **Sauniga o le Auaunaga:**

Pese 66

7 minu: Mea na Tutupu i le Tauiviga o le Faamanatuga. Talanoaga. Ia talanoa galuega a le faapotopotoga na fai i le taimi o le tauiviga o le Faamanatuga. Valaaulia le aofia e faamatala mai ni mea lelei na tutupu, ma faatalanoa se tagata tala'i na faalatelele atu lana auaunaga i le taimi o le tauiviga.

10 minu: "Mea e Faamanatu mo le Tauaofia-aga." Talanoaga e faia e le failautusi. Ia ua'i atu i mataupu silisili o loo faamatilatila i le mataupu, ma auala e faatatau ai a o faagasolo le tauaofia itumalo i le 2015. Ia talanoa manatu tāua mai i le tusi na tuuina atu i faapotopotoga uma iā Aokuso 3, 2013, e faatatau i le malupuipua a o auai i polokalame faaleagaga. O le mataupu "Se Valaaulia Tuusa'o" o loo i le itulau e 4, o le a talanoaina i se *Faiva o le Malo* mulimuli mai, pe a latalata i le tauaofia.

13 minu: "Faailoa Atu le Mana o le Afioga a le Atua i Lau Faiva." Talanoaga. Pe a uma, ia fai se faata'ita'iga puupuu e lua vaega. Muamua, e faailoa atu e le tagata tala'i i le tagata o le fale, le polosiua *Tala Lelei* e ala i le tauloto atu o ni vaega o le 2 Timoteo 3:16, 17, e aunoa ma le tatalaina o le Tusi Paia. Ona toe fai lea o le faata'ita'iga, a ua faitau sa'o atu le mau mai i le Tusi Paia. Valaaulia le aofia e faamatala mai pe aiseā e sili atu ai ona aogā le faata'ita'iga lona lua.

Pese 124 ma le Tatalo

i le tala'iga, o lo tatou sini ia amata ni su'esu'ega faale-Tusi Paia. O lea, ia taumafai e talanoa ma tagata.

- Aua le pupuniina le laulau po o le fata, pe ano tele i a oulua talanoaga ma lau paga. Pe afai e te talanoa i se telefoni, e lelei pe a savali ese mai i le laulau po o le fata.
- Aua le finau ma tagata tetee. Pe afai ua ita se tagata tetee, e sili pe a ave le laulau po o le fata i se isi nofoaga.

Autaluga o le A'oga o le Faiva Faatiokarate

O fesili o loo mulimuli mai o le a talanoaina i le A'oga o le Faiva Faatiokarate i le vaiaso e amata iā Aperila 27, 2015. Ua faaofia atu ai ma le aso ua faatulaga e talanoaina ai manatu ta'itasi, ina ia mafai ona faia sa'ili'iliga pe a sauni mo le a'oga i vaiaso ta'itasi.

1. O le ā le alofa faamaoni, ma o ā vala o le olaga e sili ona mana'omia ai? (Ruta 1: 16, 17) [Mati 2, w12 7/1 itu. 26 pala. 5]
2. Na faapefea ona iloa Ruta o se "fafine e matuā lelei"? (Ruta 3:11) [Mati 2, w12 10/1 itu. 23 pala. 1]
3. O le ā le aogā e tatou te maua mai i le faaa'oa'oga a Hana pe a feagai ma faafitauli? (1 Samu. 1:16-18) [Mati 9, w07 3/15 itu. 16 pala. 5-6]
4. A o "tuputupu a'e Samuēlu i luma o Ieova," o le ā na puipua ai o ia mai i le aafia i faaa'oa'oga leaga a atalii o Eli? (1 Samu. 2: 21) [Mati 9, w10 10/1 itu. 16 pala. 2-3]
5. O le ā e tatou te a'oa'oina mai i le lē mana'o o Saulo e faia se gaoioga lē lelei i "tagata lē aogā" na teena lona tulaga tautupu? (1 Samu. 10:22, 27) [Mati 23, w05 3/15 itu. 23 pala. 1]
6. O le ā le lesona tāua e tatou te a'oa'oina mai i le manatu sesē o Saulo e faapea, e mafai ona suia le usita'i iā Ieova i se taulaga? (1 Samu. 15:22, 23) [Mati 30, w07 6/15 itu. 26 pala. 3-4]
7. Aiseā o se faamāfanafanaga ai le iloina o Ieova "e vaai i le loto" o le tagata? (1 Samu. 16:7) [Ape. 6, w10 3/1 itu. 23 pala. 7]
8. E tusa ai o le Faataoto 1:4, o le ā ua iā i tatou e faatalitalia e Ieova e faaaogā pe a tatou fesaga'i ma tulaga faigatā? (1 Samu. 21: 12, 13) [Ape. 13, w05 3/15 itu. 24 pala. 5]
9. Aiseā e faapea atu ai e le'i tetee Apikaila i le tulaga ulu o lana tane, ina ua ia avatu mea'ai iā Tavita ma ona tagata? (1 Samu. 25:10, 11, 18, 19) [Ape. 20, w09 7/1 itu. 20 pala. 3]
10. O ā aogā e tatou te maua mai i le faaa'oa'oga a Apikaila, o le faatoese atu mo se mea e na te le'i faia? (1 Samu. 25:24) [Ape. 20, w02 11/1 itu. 5 pala. 1, 4]

Se Valaaulia Tuusa’o

¹ Pe afai e te saunia se taumafataga mo ou aiga po o uō, ma o se taumafataga e taugatā ma umi le taimi e saunia ai, o le a e naunau la e valaaulia tagata. E faapena fo’i le taumafataga faaleagaga lea o le a maua i le tauaofiaga lata mai nei, e tele galuega na faia ina ia saunia ai. I le tolu vaiaso a o lumana’i le tauaofiaga, ua tuu mai e Ieova le faaeaga e tatou te valaaulia ai isi tagata ina ia auai. O le ā e fesoasoani iā i tatou ina ia tufa atu ai ma le maelega lenei valaaulia?

² O le a uuna’ia i tatou e fai se sao atoatoa i lenei tauiviga, pe a tomānatu i le tele o aogā e tatou te maua mai i faatonuga a Ieova e faafouina ai, ia e maua mai i tauaofiaga. (Isa. 65:13, 14) E tatau ona tatou manatua, e tele aogā e maua mai i nei tauiviga i tausaga ta’itasi. (Taga’i i le pusa “Maua ni I’uga Lelei.”) O nisi e tatou te valaaulia o le a auai

1. O afea e amata ai le tauiviga mo le tufaina o le valaaulia?
2. O le ā e uuna’ia ai i tatou ia faia se sao atoatoa i le tauiviga?

Maua ni I’uga Lelei

- I nai tausaga ua mavae, a o auai se tuafafine i le tauiviga e tufatufa ai le valaaulia, sa ia mafaufau po o aogā ana taumafaiga na fai. Sa ia faapea ifo, ‘Po o le a tali mai tagata ma auai i le tauaofiaga?’ I le taeao o le Aso Toona’i o le tauaofiaga, sa ia mātāuina ai se tamāloa lotu Initia e ta’u o le Sikh, ma na ia faafeiloa’i iā te ia. Na auai mai le tamāloa ona na ia maua se valaaulia mo le tauaofiaga. Sa iai ni ana fesili ma na mafai ona tali e le tuafafine. Sa ta’ua e le tamāloa lona fiafia tele i le polokalame, ma le maofa i le auala na la’ei ma amioa’i ai tagata na auai. Mulimuli ane i lenā lava aso, na talanoa ai le tuafafine ma se ulugalii na nonofo latalata ane iā te ia. Na maua fo’i se valaaulia a le ulugalii ma na o atu i le tauaofiaga i le pasi. Sa fiafia i

Le Auala e Ofo ai le Valaaulia. Pe a uma ona e faafeiloa’i le tagata, e te ono faapea atu: “O loo matou faia se tauiviga i le lalolagi aoao, e tufatufa ai lenei valaaulia mo se faatasiga e tāua tele. O loo ta’ua i le valaaulia le aso, taimi, ma le nofoaga e faia ai.”

i le tauaofiaga, a o nisi o le a lē auai mai. Peita’i, po o le ā lava le to’atele o tagata e tali mai, ae o a tatou taumafaiga filigā i le taimi o le tauiviga, o le a viia ai Ieova ma atagia atu ai lona agalelei.—Sala. 145:3, 7; Faaa. 22:17.

³ E tatau i toaina ona filifili le auala e tufa atu ai le valaaulia i le tele e mafai ai, e aofia ai le filifili pe tuu valaaulia i fale e lē o maua atu ai nisi, pe tufa atu fo’i i nofoaga faitele i la latou oganuu. I faai’uga o vaia-so, e tatau ona ofo faatasi mekasini ma le valaaulia pe a talafeagai. Pe a mae’a le tauiviga, o le a tatou fiafia i le iloaina na faia so tatou maelega ma na iai tagata na auai mai i le faiga’ai faaleagaga na saunia e Ieova!

3. O le a faapefea ona tufatufa atu le valaaulia?

la’ua i le tauaofiaga ma fuafua e toe o atu i le Aso Sa. O i inā na iloa ai e le tuafafine le tāua o nei tauiviga i tausaga ta’itasi.

- I se tauaofiaga e le’i leva atu, na faafeiloa’i ai e se ulugalii paeonia sauatoa se ulugalii ua matutua. Na ta’ua e le ulugalii ua matutua o le taimi muamua lea ua la auai ai i se tauaofiaga. Na fesili atu le ulugalii paeonia, “O ai na valaauliaina oulua?” Na la tali mai, “E ma te o atu i le fale i le isi aso, o loo iai se valaaulia i lalo o le faitoto’a.” Sa la faitau i le valaaulia ma faatumu le kuponi i le pito i tua. Na avatu e nisi na auai i le tauaofiaga ni mea’ai mo le ulugalii. Sa matuā fiafia i la’ua i le polokalame ma la fuafua ai e toe auai i le aso e sosoo ai. Na faia fuafua e toe asia i la’ua ma tuliloa lo la fiafia.

Mea e Faamanatu mo le Tauaofiaga

- **Taimi o le Polokalame:** O le a tatala faitoto'a o le nofoaga e fai ai le tauaofiaga i le 8.00 i le taeao. O le a tāina musika amata i le 9:20 i le taeao i aso uma e tolu. O le taimi lenā ua tataua ona alaala uma i nofoa ina ia amata ai le polokalame i se tulaga mamalu. E mǎe'a le polokalame i le Aso Faraile ma le Aso Toona'i i le pe tusa o le 5:00 i le afi'afi, a o le Aso Sa i le pe tusa o le 4:00 i le afi'afi.
- **'Faaneene Atua iā Ieova i Pese':** Na viivii Ieova e ona tagata anamua e ala i pese, ma o loo avea pea musika ma vaega tāua o le tapua'iga moni i aso nei. (Sala. 28:7) E amata vaega ta'itasi o le tauaofiaga itumalo i musika. E lē o ni musika e tau ina tātā, ae ua saunia ina ia tatou a'oa'oina e faatatau iā Ieova ma tapua'i atu iā te ia. O lea, pe a faailoa mai e le ta'ita'ifono o le a tāina mai le musika, o le taimi loa lenā e nofo ai i lalo ma faalogologo atu ma le talisapaia i musika, nai lo o le talanoa. O le faia faapea e faailoa atu ai lo tatou talisapaia o taumafaiga a sui o le fā'ili a le Olomatamata. E faalua i le tausaga ona totogi e na uso ma tuafāfine o latou lava pasese e malaga atu ai i Patterson i Niu Ioka, ina ia saunia ni musika matagofie e tatou te fiafia i ai. Pe a mǎe'a ona tatou faalogologo atu i musika amata, e tataua i tagata uma ona usu pese o le Malo ina ia viia ai Ieova.
- **Paka mo Taavale:** I nofoaga uma o le a faia ai tauaofiaga ia e tatou te pulea fo'i ma vaega e paka ai taa-

vale, o le a maua e le 'auusufono se paka e aunoa ma se totogi, ma e fuafua lava avanoa i tagata e muamua mai. Talu ai e masani ona utiuti avanoa mo paka, afai e mafai, o se mea lelei le taumafai e malaga faatasi uma mai i se taavale e tasi, nai lo o le tofi o le tagata ma le taavale e malaga mai ai.

- **Taofia o Nofoa:** Pe a tatala faitoto'a o le nofoaga o le a faia ai le tauaofiaga i taeao ta'itasi, faamolemole ia 'alofia le faatopetope atu e tofi nofoa e te mana'o i ai, e pei o loo lua tauvā ma le isi uso po o le isi tuafafine. O le agaga faataulaga e uuna'ia ai i tatou ina ia faamuamua le lelei o isi, ma o le a mǎtaulia ai i tatou o ni Kerisiano moni, ma uuna'ia ai isi ina ia vivii atu i le Atua. (Ioa. 13: 34, 35; 1 Kori. 13:5; 1 Pete. 2:12) E tataua ona tofi ni nofoa mo na o tagata o lou aiga, po o ē na outou malaga faatasi mai, po o au su'esu'ega faale-Tusi Paia. Faamolemole aua le tuuina ni mea i luga o nofoa e te lē o taofia. O lou utagia o nei fautuaga o le a iloa atu ai e isi o loo avanoa na nofoa. Ua saunia fo'i nisi o nofoa mo ē ua matutua le soifua ma ē e lē atoatoa le malosi. Talu ai e lē tele nei nofoa, e na o le to'atasi la pe e to'alua i la'ua o le a faataga ona nonofo i inā e fesoasoani i sē ua matua le soifua pe e lē atoatoa fo'i le malosi.
- **La'ei Onomea:** E tataua ona onomea ma talafeagai o tatou la'ei i taimi o le tauaofiaga, ae e lē tataua ona atagia mai ai ā'ega a le lalolagi. (1 Timo. 2:9) Ia 'alofia le teuanoa'i po o le faatamala i o tatou la'ei ma foliga vaaia. E tataua ona onomea o tatou la'ei i taimi uma e tusa pe

tatou te ō e tafafao. O le faia faapea o le a tatou lē faatalatū ai e faia a tatou pine fatafata, ma avatu se molimau pe a maua se avanoa. O a tatou teuga ma amioga lelei i taimi o tauaofiaga, o le a tosina mai ai tagata lotofaamaoni i le fe'au faasaoola o loo i le Tusi Paia, ma o le a faafiafiaina ai Ieova.—Sefa. 3:17.

■ **Faaaogā ma le Magafagafa Masini**

Faonapōnei: E faaalua lo tatou magafagafa a o faagasolo le polokalame, i le seti o a tatou masini faonapōnei i se tulaga e lē faalavelave ai i isi. Pe afai e faaaogā se mea pu'eata, *tablet*, ma isi masini faapena, ia tatou magafagafa i le auala e faaaogā ai ina ne'i faalavelave pe punitia ai le maimoa a isi. E faaalua fo'i lo tatou magafagafa i le lē faia o ni *text* po o imeli a o faagasolo le polokalame.

■ **Taumafataga o le Aoauli:**

Faamolemole aumai se taumafataga mo le aoauli, nai lo o le tuua o le nofoaga e fai ai le tauaofiaga, ae alu ese atu e faatau mai se taumafataga. E mafai ona faaaogā se tama'i *cooler* e ofi i lalo o nofoa. O *cooler* lapopo'a ma ipu mata'eta'e, e lē faatagaina i totonu o le maota e fai ai le tauaofiaga.

■ **Foa'i:**

E faaalua lo tatou talisapaia o le tauaofiaga i le faia o ni foa'i tauofō mo le galuega i le lalolagi aoao, i le taimi o le tauaofiaga. O so o se siaki e tatau ona totogi atu i le "Taugaofiaga Itumalo a Molimau a Ieova." E taliaina fo'i foa'i e faia i debit/credit cards.

■ **Fualaau:**

Pe afai e te mana'omia ni fualaau, faamolemole ia faamautinoa o loo e sau ma aumai ni au fualaau, talu ai e lē maua ni fualaau i

le tauaofiaga. Pe afai e te faaaogāina ni tui, faamolemole ia faamautinoa ua tia'i na tui ina ia 'alofia ai le faamanu'alia o se tasi, ma ia aua ne'i tia'iina i se faletalimālō o e faamautū ai.

■ **Seevae:** Faamolemole, ia 'alofia tulaga e te ono see pe e te sulu ai fo'i. E to'atele i latou e manunu'a i tau-saga ta'itasi ona e māfua mai i seevae. E sili atu ona lelei le faaaogā o ni seevae talafeagai ma fetui lelei, ina ia saogalemu ai pe a savavali i auala simā, fasitepu, ma ni vaega o le auala e ufiufi i ni mea valavala, ma isi mea faapena.

■ **Taavale Pepe ma Nofoa Faamoe:** E lē tatau ona avatu i totonu o le nofoaga o le tauaofiaga ia taavale pepe po o nofoa faamoe. Ae e faataga nofoa faapitoa mo le saogalemu o se tamaitiiti, pe afai e mafai ona fusi i se nofoa i autafa o ona mātua.

■ **Fagu Faamanogi:** O le tele o tauaofiaga e faia i fale e iai masini e faasau ai le 'ea i totonu. O lea, ia faaalua le agalelei i le faaitiitia o le faaaogāina o fagu faamanogi ma mea faapena, ia e ono faalētonu ai le mātua a ē e aafia gofie i mea faapena.—1 Kori. 10:24.

■ **Fale'aiga:** Ia faamamaluina le suafa o Ieova i a tatou amioga lelei i fale'aiga. Ia la'ei i se auala e talafeagai ma se Kerisiano.

■ **Faletalimālō ma Nofoga e Api Ai:**

(1) Faamolemole aua le taofia ni potu e sili atu nai lo o potu e te mana'omia, ma aua ne'i sili atu tagata e nonofo i lou potu nai lo o le aofa'i e faatagaina.

(2) Aua ne'i toe faalēaogāina potu na e talosagaina, se'i vaganā o se tu-

laga lē ma'alofia, ma ia faafesoota'i le faletalimālō i le vave e mafai ai, ina ia mafai ona faaaogā e isi le potu. (Mata. 5:37) Pe afai e faalēaogāina, ia faamautinoa e te lamalama i āiāiga a le faletalimālō mo potu e faalēaogāina, ma maua se numera e faamaonia ai.

- (3) Ia faaaogā se taavale e toso ai atopa'u pe afai ua e sauni e faaaogā, ma ia vave ona toe faafo'i ina ia mafai ona faaaogā e isi.
- (4) Ia kuka mea'ai i na o potu e faatagaina ona kuka ai.
- (5) Aua le faaaogāsesēina le mālū taeao, kofe po o 'aisa e maua fua, ia ua saunia e faaaogā e i latou o loo nonofo i le faletalimālō.
- (6) Ia faaalua i taimi uma le fua o le agaga, i le auala e feutaga'i ai ma le 'aufaigaluega o le faletalimālō. E to'atele mālō o loo latou vaavaaia ma e latou te talisapaia lo tatou

agalelei, onosa'i ma le magafagafa.

- (7) E tatau i mātua ona vaavaai lelei a latou fanau i taimi uma a o iai i le faletalimālō, e aofia ai le vaega o loo iai le vai tā'ele, le potu faatalitali, vaega e fai ai faamalositino, ma isi mea.
- (8) Pe a tula'i mai se faaaitaui i le potu na e talosagaina i le faletalimālō, ia faafesoota'i le Matagaluega o Api a o iai i le tauaofiaga, ina ia fesoaosani atu iā te oe.

■ **Auaunaga Tauofo:** E ao i so o se tasi e fia tauofo ona faafesoota'i le Matagaluega o le Auaunaga o Ē Tauofo i le tauaofiaga. E mafai fo'i ona fai se sao o tamaiti e i lalo ifo o le 16 tausaga, e ala i le galulue faatasi ma mātua po o se tasi e vaaia i latou, po o se isi e faamaonia e mātua po o lē e vaaia i latou.

Faailoa Atu le Mana o le Afioga a le Atua i Lau Faiva

Pe a tuu mai e se tagata le avanoa e faasoa atu ai le tala lelei, e tatou te faaaogā lelei lenā avanoa ma faailoa atu le mana o le Afioga a le Atua, e ala i le faitau tuusa'o atu o mau mai le Tusi Paia. Sa faamatilatila lenei manatu i le aso faapitoa o fonotaga i le tausaga ua mavae. Na tauaaoina e le ovasia matagaluega se lauga e faamatuaina "Faailoa Atu le Mana o le Afioga a le Atua i Lau Faiva." Po o e manatua manatu autū o lenā lauga?

- Aiseā e matuā silisili atu ai ona malosi fetalaiga a leova nai lo o i tatou? —2 Timo. 3:16, 17.

- E faapefea i le Tusi Paia ona faaosofia ai faalogona, faaleleia ai mafaufauga ma uuna'iga, ma uuna'ia ai amioga?—Taga'i i *Le Olomatamata* o Iuni 15, 2012, itu. 27, pala. 7.
- Pe a tatou faitau atu se mau i se tagata i le tala'iga, e faapefea ona tatou faaua'i atu o ia i le Afioga a le Atua i se auala e na te faaaloologia ai?—Taga'i i le tusi *A'oga o le Faiva*, itu. 148, pala. 3-4 ma *La Tatou Faiva o le Malo* o Mati 2013, itu. 6, pala. 8.
- Aiseā e tāua ai ona faamatala ma fetufaa'i i mau e tatou te faitauina, ma e faapefea ona tatou faia faapea? —Gal. 17:2, 3; taga'i i le tusi *A'oga o le Faiva*, itu. 154, pala. 4 e oo i le itu. 156, pala. 5.

VAIASO E AMATA IĀ ME 4

Pese 68 ma le Tatalo

☐ **Su'esu'ega Faale-Tusi Paia a le Faapotopotoga:**

cl mata. 24 ¶1-10 (30 minu.)

☐ **A'oga o le Faiva Faatiokarate:**

Faitau Tusi Paia: 2 Samuelu 1-3 (8 minu.)

Nu. 1: 2 Samuelu 2:24-32 (3 minu. pe itiiti ifo)

Nu. 2: Manase—Matua: E Faamagalo e Ieova Tagata e Salamō Moni—w12 11/15 itu. 23 pala. 11-itu. 24 pala. 13 (5 minu.)

Nu. 3: O Valoaga o le Tusi Paia ua Toetiiti Faataunuina—igw itu. 16 pala. 4-itu. 17 pala 1 (5 minu.)

☐ **Sauniga o le Auaunaga:**

Pese 43

10 minu: Mana'oga o le Faapotopotoga. E ono faaafia ai ma faata'ita'iga o taulimaga mo le ofoina o mekasini.

5 minu: Lomiga e Ofo iā Me ma Luni. Talanoaga. Iloilo vala o lomiga o le a ofoina. Ia fai se faata'ita'iga.

15 minu: Faaogā Tatau le Taimi e Tala'i ai i Oganuu e Seāseā Tala'ia! Talanoaga e faia e se toeaina, atonu o se tasi ua tala'i i se oganuu e seāseā tala'ia. Faaali le vitiō *Tala'i i Oganuu Maotua—Ausetalia*. (Taga'i i le jw.org/sm i le vaega Vitiō.) Iloilo i'uga lelei na maua e le aiga o loo faaalua i le vitiō, ona o le tala'i i oganuu e seāseā tala'ia. Faatalanoa so o se tasi o le faapotopotoga na auauna i oganuu e seāseā ona tala'ia. O ā aafiaga lelei na iai i o latou aiga, la latou faiva, ma o latou itu faaleagaga? O ā ni fuafuaga na latou faia? Pe a mana'o se tasi e tala'i i se oganuu e seāseā tala'ia, o le a fiafia toeaina e fesoa-soani atu. Faamamafa le manatu e faapea, o le tala'i i oganuu e seāseā tala'ia, o se avanoa lelei lea e faaogā tatau ai o tatou taimi.

Pese fou "A'oa'o i Latou ia Tutū Mausalī" ma le Tatalo

Manatua: Faamolemole ia tū muamua le musika o le pese e faalogologo ai le aofia, ona toe tā lea ae usu e le faapotopotoga.

Faasilasilaga

Lomiga e ofo iā **Aperila:** *Le Olomatamata* ma le **Ala Mai! Me** ma **Iuni:** *O ā A'oa'oga Moni a le Tusi Paia?* po o se tasi o sāvali nei: *O le ā Lau Vaaiga i le Tusi Paia?*, *O le ā Sou Manatu e Uiga i le Lumana'i?*, *E Faapefea Ona Maua e se Aiga*

le Fiafia Moni?, *O Ai Moni o Loo Pulea le Lalolagi?*, *Po o le a Faai'uina ea Mafatiaga?*, *Pe e Mafai Ona Toe Feola Mai Ē ua Maliliu?*, ma *O Fea e Tatou te Maua ai Tali o Fesili Tāua e Faatatau i le Olaga?* **Iulai:** *Tala Lelei Mai i le Atua!* po o se polosiuu o polosiuu nei e 32 itulau: *E te Ola e Faavavau pe a E Faalogo i le Atua, Ia Faalogo i le Atua* po o le *Po o Silasila Alofa Mai ea le Atua iā i Tatou?*

Taulimaga Faata'ita'i

LE **OLOMATAMATA** Me 1 FAASILASILAGA LE MALO O LEONA

"Pe afai e iai se faafitauli i le lalolagi e mafai ona e faai'uina, o le ā lenā faafitauli? [Faatali mo se tali.] Ua ta'ua i le Tusi Paia ua lē o toe umi ona faai'uina lea e le Atua o lenā faafitauli, ma le tele o isi faafitauli. [Filifili se mau e faitau e faatatau i lenā manatu, e pei o le Tanielu 2:44; Faataoto 2:21, 22; Mataio 7:21-23; po o le 2 Peteru 3:7.] O loo talanoaina i *Le Olomatamata* lenei le taimi ma le auala o le a aumaia ai e le Atua na suiga i le lalolagi."

Ala Mai! Me

"O le ā sou manatu, po o le a iai se taimi e tatou te ola ai i se lalolagi e lē toe matitiva tagata, ma maua fale lelei e nonofo ai? [Faatali mo se tali.] Se'i mātāu le folafolaga lenei a le Atua i tagata. [Faitau le Isaia 65:21, 22.] O loo faamatala i lenei *Ala Mai!* le auala o le a faataunuu ai e le Atua ana folafolaga i tagata, ma le auala o le a tatou aafia ai."

Vala Mata'ina o le Auaunaga

Sa tatou taula'i atu i le 2014 i le faalauiloaina o la tatou Upega tafa'ilagi o le jw.org. O le i'uga, na siitia ai i le 140 pasene le aofa'i o vitiō ma isi mea na kopiina, i Gagana Faitaga a Ausetalia ma Niu Sila. Sa siitia fo'i le aofa'i o isi mea na kopi mai i le Upega tafa'ilagi. Ioe, e faaauau ona faamanuia e Ieova ona tagata, a o latou faaogā tatau meafaigaluega ua saunia mai ina ia faalauiloa atu ai lona suafa i le tele e mafai ai, e aofia ai ma le jw.org.—Isa. 60:16.



kmi15 04-SM Sm
150120